

中華叢書

周秦名字解詁彙釋補編

中華叢書編審委員會印行

中華書局

周秦名字解詁彙釋補編

周秦名字解詁彙釋補編

周法高撰輯

敘例

一、拙撰周秦名字解詁彙釋，脫稿於民國四十五年。在排印期內，續有增益，收入附錄三、四，未加編次，檢查殊多不便，且於原書體例不合。出版後續增張澍、朱駿聲諸家之說，今合併爲補編。

一、補編每條編次，仍與正編相同。每條標明名字，仍襲王引之原文，但略去原注。

一、正編附錄一錄王氏解詁所未收者，凡（1）至（28）條，今仍之。補編新增者，亦繼續編號。

一、補編所引諸家之說如下：

（一）宋王應麟，說見困學紀聞。

（二）宋葉夢得，說見石林春秋傳。

（三）明楊慎，說見太史升菴文集。

（四）明方以智，說見通雅。

(五) 清采彝尊，說見孔子門人考。

(六) 清江永，說見羣經平議。皇清經解卷二六一。

(七) 清臧琳，說見經義札記。

(八) 清盧文弨，說見龍城札記。

(九) 清錢大昕，說見潛研堂文集、答問，皇清經解卷四四四。十駕齋養新錄。

(十) 清崔適，說見史記探源。

(十一) 清段玉裁，說見說文解字注。

(十二) 清汪中，說見經義知新記。皇清經解卷八〇一。

(十三) 清孫星衍，說見問字堂集。皇清經解卷七七四。

(十四) 清阮元，說見研經室集。

(十五) 清鄭環，說見弟子列傳考。嘉慶八年癸亥武進鄭氏三種本卷一。

(十六) 清桂馥，說見說文解字義證、札樸。

(十七) 清洪亮吉，說見曉讀書齋四錄。

(十八) 清孫志祖，說見家語疏證。

(十九) 清王引之，說見經義述聞。

(二十) 清張澍，說見養素堂文集。卷三十二「春秋時人名字釋」。

(二一) 清臧庸，說見拜經日記。皇清經解卷一七四。

(二二) 清嚴可均，說見說文校議。

(二三) 清洪頤煊，說見讀書叢錄。

(二四) 清鈕樹玉，說見說文解字校錄。

(二五) 清沈澐，說見銅熨斗齋隨筆。

(二六) 清金鶚，說見求古錄禮記。卷九「孔子弟子考」，續皇清經解卷六七。

(二七) 清朱駿聲，說見說文通訓定聲。

(二八) 清承培元，說見說文引經證例。

(二九) 清俞正燮，說見癸巳存稿。

(三十) 清趙坦，說見春秋異文箋。皇清經解卷一三一，一至一三二。寶璧齋札記。皇清經解卷一三一六。

(三一) 清苗夔、王筠、何紹基、陳瑒、何秋濤，說並見何氏一鐙精舍甲部藁。卷五「祁大夫字說」。

(三二) 清包孟開、陳立，說見陳氏句溪雜著。卷四「祁奚字黃羊說」，廣雅叢書本。

(三三) 清俞樾，說見羣經平議、楚辭人名考、俞樓雜纂日知錄小箋。曲園樸纂第卷三十四。

(三四) 清張文虎，說見校刊史記集解索隱正義札記。卷五。

(三五) 清陶方琦，說見漢孳室文鈔。卷一「春秋名字解詁商榷」，紹興先正遺書本。

(三六) 清李慈銘，說見越縵堂讀書記。由雲龍輯錄，商務出版。

(三七) 日本竹添光鴻，說見左氏會箋。明治三十六年排印。

(三八) 近人田吳炤，說見說文二徐箋異。

(三九) 近人朱起鳳，說見辭通。

(四十) 近人溫廷敬，說見文侯之命釋疑。國立中山大學文史學研究所月刊二卷二期。

(四一) 近人楊樹達，說見易牙非齊人考。清華學報十三卷一期。

(四二) 近人石光瑛，說見新序校釋。中山大學語言文學專刊第一卷第三、四期。

(四三) 近人陳槃。

(四四) 近人黃彰建。

(四五) 近人龍宇純。

一、正編後附名字索引，按筆劃多寡排列。名字前註阿刺伯字號碼，後註中文頁碼，於補編亦同樣適用。本編末附名字索引補，補列正編索引未編號及未收入各條，重行編次。

一、本編末附引用諸家索引，於各家下註明所見各條，俾讀者於各家之說，可以一目瞭然，無煩細檢全書。

一、本編蒙洪煨蓮先生檢示桂馥札樓卷二之說，陳槃庵先生檢示葉夢得、江永、崔適、洪亮吉

、臧庸、洪頤煊、金鶚、趙坦、包孟開、陳立、俞樾、羣經平議，楚辭人名考。李慈銘（285）（39）（40）

（41））、竹添光鴻（224 238 242 265）（16）（30）（31）（33）（34））、石光瑛諸家之說，黃彰健先生檢

示何秋濤文集，謹致謝忱。槃庵先生所貺獨多，彌足感也。李啓生先生於正編付印時，惠

予校謝忱。閱，並致

宋洪邁容齋隨筆卷五「三代書同文」條

三代之時，天下書同文；故春秋左氏所載人名字，不以何國，大抵皆同。鄭公子歸主、魯公孫歸父、蔡公孫歸生、楚仲歸、齊析歸父，皆字子家；楚成嘉、鄭公子嘉、皆字子孔；鄭公孫段、印段、宋褚師段、皆字子石；鄭公子喜、宋樂喜，皆字子罕；楚公子黑肱、鄭公孫黑、孔子弟子狄黑，皆字子皙；魯公子翬、鄭公孫揮、皆字子羽；邾子克、楚鬬克、周王子克、宋司馬之臣克，皆字曰儀；晉籍偃、荀偃、鄭公子偃、吳言偃，皆字曰游；晉羊舌赤、魯公西赤，皆字曰華；楚公子側，皆字曰反；魯冉耕、宋司馬耕，皆字曰牛；顏無繇、仲由皆字曰路。此則蒙陳槃庵先生檢示。

法高案：桂馥說文解字義證卷三十七（說文卷十二上）乙部「孔」字下亦引洪氏此條。

清朱彝尊孔子弟子考

按仲尼之徒，名字閒有同者。既有魯藏，亦有奚容藏，又有公西藏；既有冉耕，亦有司馬耕；既有宓不齊，亦有任不齊；既有公西赤，亦有壤駟赤；既有卜商，亦有秦商；既有原亢，亦有陳亢；既有狄黑，亦有宰父黑；既有冉孺，亦有公良孺；既有秦祖，亦有顏祖，此名不嫌同也。冉求字子有，有若，漆雕徒父亦字子有；顏無繇字季路，仲由亦字季路；顓孫師字子張，琴牢亦字子張；巫馬施字子期，叔仲會亦字子期；公西藏字子上，公西輿如亦字子上；秦非字子之，公祖句茲亦字子之；原憲字子思，孔伋亦字子思；曾蒧字子皙，伯虔、狄黑、奚容蒧亦字子皙；壤駟赤字子徒，鄭國亦字子徒；秦冉字子開，琴牢亦字開；申續字子周，公伯續亦字子周；榮旂字子祺，縣成亦字子祺；顏會字子聲，樂歆亦字子聲；漆雕哆字子斂，邾異亦字斂；此字不嫌同也。

清錢大昕潛研堂文集 答問

問：古人名字必相應，說文所載，名於經典借用字子游，名施字子旗，名嘉字子孔，名穀字子石，名驪字子皙，是也。春秋傳如歸生歸父之字子家，側之字子反，喜之字子罕，曠之字子野，由之字子路，須之字子遲，虎之字子皮，薑之字子尾，子矯，圍龜之字子靈，駢之字子駟，鮀，鮀之字魚，鱄之字子鮮，鮒之字叔魚，夷之字子蠻，子貉，宋之字子公，齊之字叔侯，皆義相協。申，西方也，故字子西。荆，楚，舒在南，故字子南。若黑之字子皙，則又以相反爲義也。

清程廷祚左傳人名辨異自序

藝海珠塵本

「幼名冠字，五十以伯仲」，死諡，周道也，人道之至文者也。上古有名而已，春秋之時則異焉。鞅也，志父也。一人兩名也；盆也、狄也、卷也，一人三名也；子產之與子美，一人兩字也；薦艾獵之于孫叔敖，東郭賈之于大陸子方，兩名相懸，實則一人也。其周末之彌文乎？何名稱之繁歟？左氏傳于一人之身，而名號錯陳，一篇之中，而判若甲乙；創矣而不經，華矣而弗則，由古以來，未有也。左氏一家之例也。作左傳人名辨異。上元程廷祚。

法高案：陳槃庵先生謂此書蓋本於春秋名號歸一圖，

附刊於相臺五經中，通志堂經解亦有之，題宋馮繼先。源出於晉杜預世

族譜。

仿南閣叢書春秋釋例卷九。

此類書實爲王氏解詁之先河，今錄程氏自序，以見一斑。

清張澍春秋時人名字釋自序

余十六歲時，在都作春秋時人名字釋數篇。後通籍二十餘季，乃見同季王伯申侍郎君名字詁。檢舊篋參閱，與王說互有異同，不忍焚毀，仍錄而存之。

法高案：李慈銘越縕堂讀書記（由雲龍輯錄，商務出版）頁八九二——三集類云：「閱張介侯養素堂文集。……其第三十二卷，爲魯齊晉秦楚宋鄭衛陳大夫名字釋，國爲一篇。又吳越萊大夫名字釋一篇，蔡曹邾紀大夫名字釋一篇，孔門弟子名字釋一篇。其時尚未見王文簡周秦名字解詁之書，雖嚴謹不及，而亦時有獨見，可以參攷也。」案張氏春秋時人名字釋共十二篇；魯大夫名字釋（余編爲第一至三三號），齊大夫名字釋（余編爲第三四至七三號），晉大夫名字釋（余編爲第七四至一〇五號），秦大夫名字釋（余編爲第一〇六至一二二號），楚大夫名字釋（余編爲第一一三至一五七號），宋大夫名字釋（余編爲第一五八至一八二號），鄭大夫名字釋（余編爲第一八三至二二七號），衛大夫名字釋（余編爲第二二八至二四〇號），陳大夫名字釋（余編爲第二四一至二四四號），吳越萊大夫名字釋（余編爲第二四五至二四七號），蔡曹邾紀大夫名字釋（余編爲第二四八至二五五號），孔門弟子名字釋（余編爲第二五六至三三四號），皆於當條下註明號碼，以便覆檢。

清俞樾春秋名字解詁補義自序

第一樓叢書之四

本朝經術昌明，詁訓之學超踰前代，而余尤服膺高郵王氏之書。其所著經義述聞，讀書禋志，發明義理，是正文字，允足以通古今之言，成一家之學。經義述聞中增春秋名字解詁二卷，於古人名字相應之義，鉤深索隱，曲而能中，尤爲先儒所未及。然自唐以來，典籍散佚，古義不盡有徵。王氏所說，畧者大半；而千慮一失，亦或有之。余鑽覃既久，妄有訂正。又篇末所列闕疑三十餘條，亦以己意補其數事。依原書之次錄之，題曰春秋名字解詁補義。俞樾記。

法高案：皇清經解續編本無此序，今據春在堂全書本錄出。又俞樾春在堂全書錄要云：『春秋名字解詁補義一卷 第一樓叢書之四。高郵王氏經義述聞中，附春秋名字解詁二卷，於古人名字相應之義，鉤深索隱，曲而能中，洵爲先儒所未及，然千慮一失，亦或有焉。余鑽覃既久，妄有訂正。又篇末所列闕疑三十餘條，亦以己意補其數事。』

清陶方琦春秋名字解詁補證自序

高郵王先生爲春秋名字解詁二卷，詮誼精瑋，雜而不越，激心獨至，曉冷神惔。宜其會通訓詁，斷絕臆疑。方琦披讀之餘，小有所志，不過以片歷之傳嵩衡，細流之益滄海也。惟其未晰者，凡二十餘則，強辭以釋之。雖系愛古之心，甚違蓋闕之誼。一曲之見，苟然而蘊，擇而存之，以質大足。

周法高書朱倭周秦名字解詁書後

朱倭周秦名字解詁跋

見書林一卷三期，民國二十六年四月出版。

謂：「春秋名字解詁先成，其後乃擴時代範圍，

改名周秦名字解詁」。余於周秦名字解詁彙釋中已言其非，而未詳著其故，今特補述於左：

余謂周秦名字解詁在春秋名字解詁之先，有數證焉。陳鱣、錢馥、臧輔與王引之同時，又見周秦名字解詁，楊樹達讀周秦名字解詁書後言劉君以王氏最初刻本相示，亦即是本。又有是本闕疑而述聞本不缺者，如楚爲艾獵字叔敖，樂轡字子蕩，孔白字子上（引王南陔說），秦西衙字乞，鄭公子魚臣字僕叔，鄭印癸字子柳（引錢馥說），晉荀盈字伯夙，皆在闕疑之列，而述聞本有說。鄭印癸字子柳下，引錢馥說，尤可爲述聞本後出之明證。

又此本除朱倭所舉述聞列闕疑而此本有說者十一事之外，尙有下列異同：

此本有晉韓績字子輿，而述聞本無之。此本卜商字子夏，陳鱣說與今本或說同。「魯公子務人字爲」下，所駁或說與錢說同。鄭單字子家，說與述聞大異。顏高字子驕，與述聞本亦有異同。陳亢字子禽，初刻本無說，述聞本有「與原鵠字亢同義」七字。

又此本似少「鄭石癸字甲父」一條，而錢氏補之也。此本之「晉文侯仇字儀」，述聞本作「字義和」。此本云「晉祁黃羊字奚」，而述聞本云「晉祁奚字黃羊」，並自刪「春秋時人

名無兩字者。名則有之矣。」。此本云「易牙字巫」，述聞本云「巫字易牙」，蓋自知春秋時人名無兩字之說之非矣。

周秦名字解詁彙釋補編總目

叙例	一頁
宋洪邁容齋隨筆卷五「三代書同文」條	六
清朱彝尊孔子弟子考	七
清錢大昕潛研堂文集 答問	八
清程廷祚左傳人名辨異自序	九
清張澍春秋時人名字釋自序	一〇
清俞樾春秋名字解詁補義自序	一一
清陶方琦春秋名字解詁補誼自序	一二
周法高書朱倬周秦名字解詁跋後	一三
目錄	一
卷上	一
卷下	五九
附錄一：周秦名字解詁補遺	一二八